

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

漢魏六朝百三家集

梁

第七十九冊

王詹事
劉秘書

王詹事集

王詹事集題詞

沈隱侯之知王元禮猶蔡伯喈之知
王仲宣當日兩人情好相得詩文互
賞郊居佳句惟元禮能讀好詩彈丸
非隱侯莫爲知音也隱侯遺文頗廣
元禮則寥寥鮮存無論洗馬以來諸

集斷闕卽傳中所稱芍藥賦與草木
十詠俱歸烏有因歎治亂異數彼此
一時國門洛下之書空井寒灰之泣
其文傳不傳亦各有命也昭明哀策
中朝嗟賞然辭麗寡哀風人致短東
漢以後文尚聲華漸爽情實誅死之

篇應詔公庭尤矜組練卽顏延年哀
宋元后謝玄暉哀齊敬后一代名作
皆文過其質何怪後生學步者哉楚
妃吟句法雖異未備古體行路難善
敘縫婦抑詩所謂摻摻女手也元禮
筆法似詩優于文七葉重光人人有

集若此者誠足爲世家標準矣

婁東張溥題

梁王詹事集目錄

賦

蜀葵花賦

表

爲第六叔讓重除吏部尚書表

爲從兄讓侍中表

爲王儀同瑩初讓表

上太極表

牋

答湘東王示忠臣傳牋

書

與諸兒論家世集書

與長沙王別書

與東陽盛法師書

與雲僧正書

答釋法雲書

與瑗律師書

序

自序

記

雲陽記

碑

開善寺碑

國師草堂寺智者約法師碑

哀策文

昭明太子哀策文

樂府

有所思

陌上桑

俠客篇

三婦豔

雜曲二首

行路難

楚妃吟

詩

侍宴餞臨川王北伐應詔

早出巡行矚望山海

北寺寅上人房望岫翫前池

和衛尉新渝侯巡城口號

寓直中庶坊贈蕭洗馬

奉和皇太子懌悔應詔

有序

和皇太子懌悔

和吳主簿六首

春日二首

秋夜二首

遊望二首

代牽牛答織女

苦暑

五日望採拾

奉酬從兄臨川桐樹

摘安石榴贈劉孝威

東南射山

春遊

春日

向曉閨情

望夕霽

和孔中丞雪裏梅花

摘園菊贈謝僕射舉

答元金紫餉朱李

詠輕利舟應臨汝侯教

詠燈檠

詠蠟燭

和蕭子範入元襄王第

閨情

東陽還經嚴陵瀨贈蕭大夫

遊望

附錄

本傳

王詹事目錄終

王詹事集卷全

梁 瑯琊王筠元禮著

明 太倉張溥天如閱

賦

蜀葵花賦

惟茲奇草，遷花西道。凌金坂之威夷，跨玉津之浩浩。值油雲之廣臨，屬光風之長掃。仰椒屋而敷榮，值蘭房而舒藻。邁衆芳而秀出，冠雜卉而當闡。旣扶疎而雲蔓，亦灼爍而星微。布濩交加，

王詹事集

卷全

荔茸紛花，疏莖密葉，翠萼丹華，

表

爲第六叔讓重除吏部尚書表

臣聞剗犀截鴈，必俟昆吾之鋒；逐日追風，信資伯樂之駿。未有驟駕蹇足，而方騁遙塗；採藝鉛刃，而求其斷割。伏惟則哲爲體，事艱歷代，明別攸寄，義重前王。必使玉石薰蕕，區別靡雜；涇渭立黃，條流不爽。自非伯豪之天下能稱，仲子之時人歸德。孝先之拔真抑僞，巨源之黜惡舉善。然後可以銓鏡流品，平均衡石。

爲從兄讓侍中表

至如元勳舊儒之胄，積德累仁之基，九世七葉，之華相韓，事漢之資，不然，則子駿之學，洞古今，平子之思，侔造化，仲宣之辯，識無滯，次重之解，經不窮，然後可以喻旨公卿，問對帷展，陪六尺之輿，通四方之意，求之微臣，此塗頓隔。

爲王儀同瑩初讓表

執玉獻金，卒先五等，親冕迎輅，光導百辟，坐階遠大，遂致隆滿，自位昇朝首，職冠禮闈，辭滿之

願將際致仕之請方奏而思渥恩皆昭獎必被寵章爰降朝埜驚矚是以安石歸干固請元規終以致讓况臣才質空疎器量庸淺而可以妄參鉉席覩貌槐庭

上太極殿表

四海爲家義存威重萬國來朝事惟壯觀憲北辰之居所正南面之尊貴繡栴鏤檻延曜光輝虬柱虹梁杳冥雲霧非許鄴之敢倫豈雍豫之能擬且工徒樂業庶民日競一勞永逸不日而

成信可以宴饗百神朝覲群后者矣臣過荷寵
勞祿秩優潤謹率丹款上夫一千不足微申鳬
躍伏深慙悚

牋

答湘東王示忠臣傳牋

竊以孝實天經、忠爲令德、百行攸先、一心靡忒。
昔淮南鴻烈、事無的准。沛王通論、義止儒術。東
平獲譽、良爲片言。臨淄見稱、文辭小道。孰若理
冠君親、義兼臣子。謹當宣示遐邇、光揚德音。

王詹事集

卷全

書

與諸兒論家世集書

史傳稱安平崔氏及汝南應氏並累世有文才所以范蔚宗世擅雕龍然不過父子兩三世耳非有七葉之中名德重光爵位相繼人人有集如吾門世者也。沈少傅約語人云吾少好百家之言身爲四代之史自開闢已來未有爵位蟬聯文才相繼如王氏之盛者也汝等仰觀堂構思各努力

與長沙王別書

筠頓首頓首。高秋淒爽，體中何如。願比勝納承，
八東禮拜，用深傾仰。昔藩后遨遊，不無是事。或
龍舟水嬉，或臨川送遠，縱金飛旆，汎此安流，猶
復見重良書。以爲盛德，未有選日簡辰，歸誠繫
念，尋法城之游，逗祗園之聚，翹心讚歎，無以譬
說。僕夙疾增瘵，蹇廢蓬門，不獲執離，彌深傾懃。
願敬勗白，書不次。王筠頓首頓首。

與東陽盛法師書

菩薩戒弟子王筠瀟名慧炬稽首和南問訊東
陽盛法師弟子昔因多幸早蒙覲接歲月推流
踰三十載欽慕風德獨盈懷抱間以山川無由
禮敬司馬參軍仰述存眷曲垂訪憶旣荷錄舊
之情兼佩慇懃之旨歡欣頂戴難爲譬說仰承
垂和履福享年九十有四嗤絳人之未高同殷
宗之遐壽且耳長直已過頂齒剛會不先落延
華駐彩怡神輔性自非宿殖善因何以招斯勝
果尊年尚齒之誠懷德敦舊之欵依風慕道之

深欣美景仰之至，興居在念，寤寐載懷。弟子恨此樊籠，迫茲纓鑲，無由問道，撫躬如失。庶心期冥會，咫尺江山，道術相忘，棄置形迹。惟願敬勗，保此期願，赤松朱髮，復何足貴。飛錫騰軀，真在旦夕。指陳丹款，殊未伸暢。儻惠一言，豈不幸甚。弟子筠稽首和南。

與雲僧正書

弟子孤子筠頓首稽首和南。弟子釁結幽明，備嬰荼蓼，攀援崩踴，肌髓糜潰，尋繹煩冤，肝腸寸

斷號天叩地、永隔精誠、捨命捐軀、終無補益、思
欲仰福、廣爲法事、以伸罔極之痛、少寄追慕之
誠、鑄像度僧、仰遵法教、建齋設會、務依經典、敷
說大乘、誘度群生、其福不淺、仰惟大正法師道
心純淑、至德凝深、智包空有、照通真俗、多聞不
窮、機辯無礙、一代師匠、四海推崇、弟子宿值善
因、早蒙親眷、情同骨肉、義等金蘭、外書所謂冥
契神交、內典則爲善友知識、敬藉微緣、敢陳大
願、來歲夏中、欲仰請講說弘法之情、旣無彼此、

眷愛之深、特希降屈、公私道俗、要請既多、故預
諮聞、必願允遂、豈圖一旦、忽有斯白、臨紙崩軀、
厝言無次、弟子孤子王筠頓首頓首、稽首和南、
答釋法雲書

筠和南辱告垂示上答、臣下審神滅論、竊聞優
然有見、禮典之格言、今則不滅、法教之弘旨、但
妙相虛玄、神功凝靜、自非體道者、豈能默領其
宗、不有知機者、無由冥應其會、聖主迹同萬機、
心游七淨、哀愍羣生、嫗煦庶物、滌彼葢纏、勗以

解慧祛其蒙惑、躋之仁壽、信大哉爲君、善於智
度者也、弟子世奉法言、家傳道訓、而學淺行疎、
封累猶軫、旣得餐稟聖教、預聞弘誘、一音得解、
萬善可偕、抃躍之情、無以譬說、弟子王筠和南

與瑗律師書

筠和南至、節過念哀、慕深至、情不可任、寒凝道
體、何如、想比清豫、弟子羸勞、每惡愒弊、何理眷
請、勤御比日來、敘遣白、王筠和南

王詹事集

卷全

序

自序

余少好書，老而彌篤，雖遇見瞥觀，皆卽疏記。後重省覽，懽興彌深，習與性成，不覺筆倦。自年十三四，齊建武二年乙亥，至梁大同六年，四十載矣。幼年讀五經，皆七八十遍，愛左氏春秋，吟諷常爲口實，廣略去取，凡三過五抄，餘經及諸官儀禮國語爾雅山海經本草，並再抄。子史諸集，皆一遍，未嘗倩人假手。並躬自抄錄，大小百餘

卷。不足傳之好事。蓋以備遺忘而已。

記

雲陽記

車箱阪下有黎園一頃，樹數百株，青翠繁密，望如車蓋。

王詹事集

卷全

一

碑

開善寺碑

妙門關鍵、闢之者既難、法海波瀾、游之者未易、
是以軒稱俊聖、堯曰欽明、韶濩有美善之風、文
武致時雍之業、地平天成、惟事卽世、移風易俗、
匪止今身、至如訪道峒山、乘風獨遠、凝神汾水、
杳然自喪、或宗仰黃老之談、景慕神僊之術、斯
蓋不度群生事局、諸已篤而爲論道有未弘、熏
風璫露散馥流甘、璧月珠星聯華颺葉、修旛繞

於雲根、和鈴響於天外、玉池動而揚文、寶樹搖而成樂、銘曰

亭亭切漢、耿介凌烟、層薨霞聳、飛棟星懸

國師草堂寺智者約法師碑

結宇山椒、疏壤幽岫、蓄雲泄雨、靄映房櫳、浴日涵星、翻光池沼、震居暇豫、留思幽微、研精經藏、探求法寶、香城實相之談、金河常樂之說、究竟微妙、洞達幽玄、掖庭爲道心之宮、華林構重雲之殿、師子之座、高廣於燈王、聽法之筵、衆多於

方丈開寶函之奧典、闡金字之微言、顯證一乘、
宣揚三慧、辯才無閼、遊戲神通、莫不皆悟無生、
咸知妄想、隨類得解、俱會真如、銘曰
形在江湖、心超祗鷺、思協風雲、量包宇宙、軒瞰
蒼波、窓承翠嶺、須枕烟露、拏持光景、

王詹事集

卷全

哀策文

昭明太子哀策文

蜃輅俄軒、龍驂跼步、羽翾前驅、雲旂北御、皇帝
哀繼明之寢耀、痛嗣德之殂芳、御武帳而悽慟、
臨甲觀而增傷、式稽令典、載揚鴻烈、詔撰德於
旌旒、永傳徽於舞綴、其辭曰

式載明兩、實惟少陽、旣稱上嗣、且曰元良、儀天
比峻、儷景騰光、奉祀延福、守器傳芳、睿哲膺期
旦暮、斯在外弘、莊肅內含、和愷識洞、機深量苞

瀛海立德不器至功弗宰寬綽居心溫恭成性
循時孝友率由嚴敬咸有種德惠和齊聖三善
迺宣萬國同慶軒緯掩精陰義弛位纏哀在疚
殷憂銜恤孺泣無時蔬餽不溢禪遵踰月哀號
未畢實惟監撫亦嗣郊禋問安肅肅視膳恂恂
金華玉璫立駟斑輪隆家幹國主祭安民光奉
成務萬機是理矜慎庶獄勤恤關市誠存隱惻
容無愠喜殷勤博施綢繆恩紀爰初敬業離經
斷句奠爵崇師卑躬待傳甯資導習匪勞審論

博約是司，時敏斯務。辯究空微，思探幾贖。馳神
圖緯，研精爻畫。沈吟典禮，優遊方冊。饜飫膏腴，
含咀肴核。括囊流略，包舉藝文。遍該細素，殫極
邱墳。騰帙充積，儒墨區分。瞻河闡訓，望魯揚芬。
吟詠性靈，豈惟薄伎。屬辭婉約，緣情綺靡。字無
點竄，筆不停紙。壯思泉流，清章雲委。總覽時才，
網羅英茂。學窮優洽，辭歸繁富。或擅談叢，或稱
文囿。四友推德，七子慙秀。望苑招賢，華池愛客。
託乘同舟，連輿接席。摘文挾藻，飛觴汎醪。恩隆

置醴賞逾賜璧，微風遐被盛業日新。仁器非重，
德輔易遵。澤流兆庶，福降百神。四方慕義，天下
歸仁。雲物告徵，履沴褰象。星羃恒耀，山頽朽壤。
靈儀上賓，德音長往。具僚無蔭，諮承安仰。嗚呼
哀哉！皇情卓愍，切心纏痛。胤嗣長號，跼萼增慟。
慕結親遊，悲動氓衆。憂若殄邦，懼同折棟。嗚呼
哀哉！首夏司開，麥秋紀節。容衛徒警，菁華委絕。
書幌空張，談筵罷設。虛饋饜饕，孤燈翳翳。嗚呼
哀哉！簡辰請日，筮合龜貞。幽埏風啓，立宮獻成。

武校齊列、文物增明。昔遊漳滏、賓從無聲。今歸
郊郭、徒御相驚。嗚呼哀哉、背絳闕以遠徂。輔青
門而徐轉、指馳道而詎前。望國都而不踐、陵脩
阪之威夷。遡平原之悠緬、驥蹠足以酸嘶。挽悽
鏘而流泣、嗚呼哀哉。混哀音於簫籥、變愁容於
天日。雖夏木之森陰、返寒林之蕭瑟。旣將反而
復疑、如有求而遂失。謂天地其無心、遽永潛於
容質。嗚呼哀哉、卽立宮之冥漠。安神寢之清閟、
傳聲華於懋典。觀德業於徽謚、懸忠貞於日月。

播鴻名於天地，惟小臣之紀言。實含毫而無媿，
嗚呼哀哉。

樂府

有所思

丹墀生細草、紫殿納輕陰、曖曖巫山遠、悠悠湘
水深、徒歌鹿盧劍、空貽玳瑁簪、望君終不見、屑
淚且長吟、一作微吟

陌上桑

人傳陌上桑、未曉已含光、重重相蔭映、軟弱一作
軟、自芬芳、秋胡始倚馬、羅敷未滿筐、春蠶朝已
老、安得久彷徨。

俠客篇

俠客趨名利、劍氣坐相矜、黃金塗鞘尾、白玉飾
鈎、膺晨馳逸、廣陌日暮返、平陵舉鞭向趙李、與
君方代興、

三婦豔

大婦留芳褥、中婦對華燭、小婦獨無事、當軒理
清曲、丈人且安臥、豔歌方斷續、

雜曲二首

烏還夜已逼、蟲飛曉尚賒、桂月徒留影、蘭燈空

結花

可憐洛城東，芳樹搖春風。
丹霞映白日，細雨帶輕虹。

行路難

千門皆閉夜何央，百憂俱集斷人腸。
探揣箱中取刀尺，拂拭機上斷流黃。
情人逐情雖可恨，復畏邊遠乏衣裳。
已繰一蠶催衣縷，復擣百和薰衣香。
猶憶去時腰大小，不知今日身短長。
襦。襦。雙心其一。祿。祿。複。兩。邊。作。八。襪。襪。帶。雖。安。不。忍。

縫。開。孔。裁。穿。猶。未。達。胸。前。却。月。兩。相。連。本。照。君。
心。不。照。天。願。君。分。明。得。此。意。勿。復。流。蕩。不。如。先。
含。悲。含。怨。判。不。死。封。情。忍。思。待。明。年。

楚妃吟

花。早。飛。林。中。明。鳥。早。歸。庭。前。日。暖。春。閨。香。氣。亦。
霏。霏。香。氣。漂。當。軒。清。唱。調。獨。顧。暮。含。怨。復。含。嬌。
蝶。飛。蘭。復。裊。裊。輕。風。入。裙。春。可。遊。歌。聲。梁。上。浮。
春。遊。方。有。樂。沈。沈。下。羅。幕。

詩

侍宴餞臨川王壯伐應詔

金版韜英，玉牒蘊精。帝德乃武，王威有征。軒習
颯矢，夏陳干戚。周驚戎車，漢馳羽檄。我皇俊聖，
千年踵武。德洞十一作千門，威加八柱。金正圯德，
水行失道。胡馬南牧，戎徒西保。薦食伊瀍，整居
豐鎬。金關一作閤揚塵，銅臺茂草。命彼膳夫，爰詔
協律。樂賦出車，絃操吉日。玉饌駢羅，瓊漿泛溢。
聖德溫溫，賓儀秩秩。

早出巡行矚望山海

王生臨廣隰，潘子望洪河。同軫懷歸思，俱興年
逝歌。曰余異二子，承睫淚滂沱。剖符瀛海外，結
綬層山阿。因心留惻憫，怨已息煩苛。繕築循時
隙，興動藉民和。高門惟壯麗，修雉亦駢羅。層樓
亦攀陟，複道亦經過。昧旦清音上，風氣入纖蘿。
雲起垂天翼，水動連山波。奔濤延瀾汙，積翠遠
嵯峨。鄉關屢迴曲，還顧杳蹉跎。曾微肅肅羽，望
路空如何。

北寺寅上人房望岫翫前池

安期逐長往，交甫稱高讓。遠跡入滄溟，輕舉馳
昆閬。良田心獨善，兼且情由放。豈若尋幽棲，卽
目窮清曠。激水周堂下，屯雲塞檐向。閑牖聽奔
濤，開窓延疊嶂。前階復虛汭，瀾迤成洲漲。雨點
散圓文，風生起斜浪。游鱗互瀉潏，羣飛皆唼吭。
蓮葉蔓田田，菱花動搖漾。浮光曜庭廡，流芳襲
帷帳。匡坐足忘懷，詎思江海上。

和衛尉新渝侯巡城口號

閭闔曖已昏，鈞陳杳將暮。棲鳥城上返，一作晚

雀林中度。屯衛時巡警，凝威肆安步。閣道趨文

昌，禁兵連武庫。銅烏迎早風，金掌承朝露。果恩

分曉色，睥睨生秋霧。維城任寄隆，空想靈均賦。

伊余方病免，邱園保恬素。

寓直中庶坊贈蕭洗馬

龍樓實九重，薄寒殊復早。玉堦泣清露，銅池結

秋潦。霜被守宮槐，風驚護門草。之子擅文華，縱

橫富辭藻。舒錦慙光麗，握珠謝奇寶。媿予非工

文何用披懷抱

奉和皇太子懺悔應詔

有序

奉和皇太子懺悔詩，仍上皇宸極，聖旨

卽疏降同所用十韻，私心慶躍，得未曾有，招
採餘韻，更題鄙拙。

一聖智比明，帝德光四海，荷負誠悠屬，度脫實
斯在，懺說濟蒙愚，推心屏欺，殆名僧引定，慧朝
纓列元凱，還逃依善導，反心由真宰，和鈴混吹
音，勝幡榮雪彩，早蒲欲抽葉，新篁向舒筴，翹勤

諒懇到，歸誠信兼倍，
膚艷似烟霞，欄杆若珠琲，
善誘雖欲繼，含毫愧文彩。

和皇太子懺悔

習惡歸禮懺，有過稱能改，
聖德及羣生，唱說信兼採，
翹心蕩十惡，邈誠銷五罪，
三縛解智門，六塵清法海，
超然故無著，逍遙新有待。

和吳主簿六首

春日二首

日昭鴛鴦殿，萍生鴈鷺池，
游塵隨影入，弱柳帶

風垂青骹

一作鵲

逐黃口獨鶴慘羈雌同衾遠遊

說結愛久相離於今方溘死甯須萱草枝

菴施心未發。薜蘿葉欲齊。春蠶方曳緒。新燕正
銜泥。野雉呼雌雉。庭禽挾子棲。從君客梁後。方
晝掩春閨。山川隔道里。芳草徒萋萋。

秋夜二首

九重依夜館。四壁慘無暉。招搖顧西落。烏鵲向
東飛。流螢漸收火。絡緯欲催機。爾時思錦字。持
製行人衣。所望丹心達。嘉客倘能歸。

露華初泥泥。桂枝行棟棟。煞氣下重軒。輕陰滿
四屋。別寵增修夜。遠征悲獨宿。愁牽翠羽眉。淚
滿橫波目。長門絕往來。含情空杼軸。

遊望二首

落日照紅妝。挾瑟當窻牖。宜復歌薜蘿。唯聞歎
楊柳。結好在同心。離別由衆口。徒設露葵羹。誰
酌蘭英酒。會日杳無期。薜蘿安得久。

相思不安席。聊至狹斜東。愁眉倣戚里。高髻學
城中。雙眉偏照日。獨蕊好縈風。自知心所愛。獻

賦甘泉宮。傳聞方鼎食。詎憶春閨客。

代牽牛答織女

新知與生別。繇來儻相值。如何一作豈如寸心中。一

宵懷兩事。歡娛未繾綣。倏忽成離異。終日遙相望。祇益生愁思。猶想今春悲。尚有故年淚。忽遇長河轉。獨喜涼飈至。奔精翊鳳軫。織阿警龍轡。苦暑

日坂

一作域

散朱霧。天隅歛青靄。飛飈

一作光

煥南

陸。炎津通北瀨。繁星聚若珠。密雲屯似蓋。月至

每開襟、風過時解帶、

五日望採拾

裁縫逗早、夏點畫、守初晨、綃紈旣妍媚、脂粉亦
香新長、絲表良節、命一作金縷應嘉辰、結蘆同楚

客採艾、異詩人折花競鮮彩、拭露染芳津、含嬌
起斜盼、歛笑動微嚬、獻璫依洛浦、懷佩似江濱、
須待恩光接、中夜奉衣巾、

奉酬從兄臨川桐樹

伊昔擅羽儀、待價龍門垂、優游清露點、微一作

穆惠風吹，月上陰陽幹。雲覆死生枝，公子存高
尚。聊用影華池。棲鸞既不重，舞鶴復何施。方同
散木爨，清響竟誰知。

摘安石榴贈劉孝威

中庭有奇樹，當戶發華滋。素莖表朱實，綠葉廁
紅蕤。旣標太冲賦，復見安仁詩。宗生仁壽殿，族
代疑作茂河陽湄。有美清淮北，如玉又如龜。退書

寫蟲篆，進對一作封多好辭。我家新置側，可求不

難識。相望阻盈盈，相思滿胸臆。高枝爲君採，請

寄西飛翼

東南射山

阮籍詠懷詩曰東南有射山
汾水出其陽言神仙之事

還丹改容質，握髓駐流年。
口含千里霧，掌流五色煙。
瓊漿汎金鼎，瑤池漑玉田。
倏忽整龍駕，相
遇鳳臺前。

春遊

蘼蘭已飛蝶，楊柳半藏鴉。
物色相煎蕩，微步出東家。
旣同翡翠翼，復如桃李花。
欲以千金笑，迴

君流水車

春日

金堤草非舊，玉池泉已新。
風生似羊角，雲上若魚鱗。
幽閨多怨思，停織坐嬌春。
芳華既零落，方作向隅人。

向曉閨情

北斗行欲沒，東方稍已晞。
晨雞初下棲，玉臺作振羽
曉露尚作方霑衣，衾裯作錦徒有設，信誓作蘭果相違。
詎作誰忍開朝鏡，羞恨掩空扉。

望夕霽

帝王集作簡文者非

連山捲亂

一作族

雲長林息衆

籟空樹含綠滋遙

峯凝翠靄石溜正淥淪

一作淪淪

山泉始澄汰物華

方入賞政予心期會

和孔中丞雪裏梅花

水泉猶未動庭樹已先知翻光同雪舞落素混

一作

冰池今春競時發猶是昔年枝惟有長顚

頓對鏡不能窺

摘園菊贈謝僕射舉

靈茅挺三脊，神芝曜九明。菊花偏可憙，碧葉媚金英。重九惟嘉節，抱一應元貞。泛酌宜長久，聊薦野人誠。

答元金紫餉朱李

穠華春發彩，結實下成蹊。潘生詠金谷，魏后沈寒溪。逢君重妖麗，移翫八崇閨。慙無瓊玖報，徒用萃幽棲。

詠輕利舟應臨汝侯教

君侯飾輕利，搖蕩邁飛雲。凌波漾鷁彩，汎水渙

皎文、電流已光絕、鳥逝復超羣、倏忽方千里、戀
茲岐路分

詠燈檠

百華曜九枝、鳴鶴映冰池、朱光本內照、丹花復
外垂、流暉悅嘉容、翻影泣生離、自銷良不晦、明
白願君知

詠蠟燭

執燭引佳期、流影度單帷、腫隴別繡被、依稀見
蛾眉、莢明不足貴、焦燼豈爲疑、所恐恩情改、照

君尋履綦

和蕭子範入元襄王第

昔人睢陽苑，連步披風雲。今遊故臺處，回望閒
無人。皓壁留餘篆，蕙圃有餘芬。行人皆隕涕，何
獨孟嘗君。

閨情

月出宵將半，星流曉未央。空閨易成響，虛室自
生光。嬌羞悅人夢，猶言君在傍。

東陽還經嚴陵瀨贈蕭大夫

子陵徇高尚，超然獨長往。
釣石宛如新，故態依可想。

遊望

晨登黃馬坡，遙望白龍堆。
風威盡掠折，路險車輪摧。

本傳

王筠字元禮一字德柔琅琊臨沂人祖僧虔齊
司空簡穆公父楫大中大夫筠幼警寤七歲能
屬文年十六爲芍藥賦甚美及長清靜好學與
從兄泰齊名陳郡謝覽覽弟舉亦有重譽時人
爲之語曰謝有覽舉王有養炬炬是泰養是筠
並小字也起家中軍臨川王行參軍遷太子舍
人除尚書殿中郎王氏過江以來未有居郎署
者或勸逡巡不就筠曰陸平原東南之秀王文

度○獨○步○江○東○吾○得○比○蹤○昔○人○何○所○多○恨○乃○欣○然○
就○職○尚○書○令○沈○約○當○世○辭○宗○每○見○筠○文○咨○嗟○吟○
咏○以○爲○不○逮○也○嘗○謂○筠○昔○蔡○伯○喈○見○王○仲○宣○稱○
曰○王○公○之○孫○也○吾○家○書○籍○悉○當○相○與○僕○雖○不○敏○
請○附○斯○言○自○謝○朓○諸○賢○零○落○已○後○平○生○意○好○殆○
將○都○絕○不○謂○疲○暮○復○逢○於○君○約○於○郊○居○宅○造○閣○
齋○筠○爲○草○木○十○詠○書○之○於○壁○皆○直○寫○文○詞○不○加○
篇○題○約○謂○人○云○此○詩○指○物○呈○形○無○假○題○署○約○製○
郊○居○賦○懣○思○積○時○猶○未○都○畢○乃○要○筠○示○其○草○筠○

讀至雌霓連蹀。約撫掌欣抃曰。僕嘗恐人呼爲
霓。次至墜石礎星。及冰懸堦而帶坻。筠皆擊節
稱贊。約曰。知音者稀。真賞殆絕。所以相要。政在
此數句耳。筠又嘗爲詩呈約。卽報書云。覽所示
詩。實爲麗則。聲和被紙。光影盈字。夔牙接響。顧
有餘慙。孔翠羣翔。豈不多愧。古情拙目。每仵新
奇。爛然總至。權輿已盡。會昌照發。蘭揮王振。克
諧之義。宜比笙簧。思力所該。一至于此。歎服吟
研。周流戀念。昔時幼壯。頗愛斯文。含咀之間。倏

焉疲暮。不及後進。誠非一人。擅美推能。定歸吾子。遲比閑日。清覲乃申。筠爲文能。壓強韻。每公宴竝作。辭必妍美。約嘗從容啓高祖曰。晚來名家。唯見王筠獨步。累遷太子洗馬。中舍人。並掌東宮管記。昭明太子愛文學士。嘗與筠及劉孝綽。陸倕。到洽。殷芸等遊宴立園。太子獨執筠袖。撫孝綽肩而言曰。所謂左把浮邱袖。右拍洪崖肩。其見重如此。筠又與殷芸以方雅見禮焉。出爲丹陽尹。丞。杜中郎諮議參軍。遷中書郎。奉勅。

製開善寺寶誌大師碑文詞甚麗逸又敕撰中
書表奏三十卷及所上賦頌都爲一集俄兼宣
遠湘東王長史行府國都事除太子家令復掌
管記普通元年以母憂去職筠有孝性毀瘠過
禮服闋後疾廢久之六年除尚書吏部郎遷太
子中庶子領羽林監又改領步兵中大通二年
遷司徒左長史三年昭明太子薨敕爲哀策文
復見嗟賞尋出爲貞威將軍臨海太守在郡被
訟不調累年大同初起爲雲麾豫章王長史遷

秘書監五年除太府卿明年遷度支尚書中大
同元年出爲明威將軍永嘉太守以疾固辭徙
爲光祿大夫俄遷雲旗將軍司徒左長史太清
二年侯景寇逼筠時不入城明年太宗卽位爲
太子詹事筠舊宅先爲賊所焚乃寓居國子祭
酒蕭子雲宅夜忽有盜攻之驚懼墜井卒時年
六十九家人十餘人同遇害筠狀貌寢小長不
滿六尺性弘厚不以藝能高人而少擅才名與
劉孝綽見重當世筠自撰其文章以一官爲一

集。自洗馬中書中。庶子吏部佐臨。海太府各十卷。尚書三十卷。凡一百卷行於世。

王詹事集終

王詹事集

王詹事集

傳

三

王詹事集

卷全

三

隱

迹

書

集

劉
秘
書
集

劉必書集是言

王元禮七葉之中爵位文才蟬聯不
絕劉孝綽一家子姓能文者七十人
門世之盛足使安平無崔汝南無應
當日昭明太子愛重文學元禮孝綽
同被賓遇執袖撫肩方之浮邱洪崖

兩賢何相若也元禮通顯竟至白首
遭亂墮井非云不壽孝綽一官屢蹶
少妹貽糾束絹開訟秘書長逝不滿
六十原其著作齊騁祿位中隔一者
性多可一者性多怪也孝綽文集數十
萬言存者無幾零落之歎無異元

禮書啟表序文采較優詩乃兄弟爾
元帝爲孝綽墓銘云鶴開阮瑀鵬翥
楊脩身茲惟屈扶搖未申夫秘書摧
輪未若阮楊而當時見屈者亦悲其
樂賢圖像絕域聞名有公輔之資而
抱箕斗之怨到洽凶終劉覽內噬朋

友兄弟宜無一可乎而偏扼其吭則
胡爲也孝綽以詩失黃門復以詩得
黃門風開風落應遇皆然知無恤於
人之多言矣

婁東張溥題

劉秘書集目錄

表

爲鄱陽嗣王初讓雍州表

啟

謝高祖啟

與東宮啟

謝爲東宮奉經啟

謝給藥啟

謝越布啟

送瑞鼎詣相國梁公啟

求豫北伐啟

謝晉安餉米等啟

謝安成王賚祭孤石廟胙肉啟

書

答湘東王書

答雲法師書

與弟書

序

昭明太子集序

碑

司空安成王碑

栖隱寺碑

樂府

釣竿篇

夜聽妓賦得烏夜啼

銅雀妓

班婕妤怨

三婦豔

權歌行

詩

詠風

侍宴

又

三日侍華光殿曲水宴

三日侍安成王曲水宴

春日從駕新亭應制

侍宴集賢堂應令

侍宴餞庾於陵應詔

侍宴餞張惠紹應詔

餞張惠紹應令

侍宴離亭應令

奉和昭明太子鍾山解講

和湘東王理訟

陪徐僕射晚宴

上虞鄉亭觀濤津渚學潘安仁河陽縣

詩

太子泚落日望水

登陽雲樓

夕逗繁昌浦

櫟口守風

還渡浙江

江津寄劉之遴

發建興渚示到陸二黃門

酬陸長史儔

答何記室

答張左西

歸沐呈任中丞昉

憶虞弟

淇上戲蕩子婦

愛姬贈主人

爲人贈美人

遙見鄰舟主人投一物衆姬爭之有客

請余爲詠

古意

報王永興觀田

詠有人乞牛舌乳不付因餉檳榔詩

夜不得眠

望月有所思

校書秘書省對雪詠懷

詠百舌

侍宴擬劉公幹應令

賦詠百論捨罪福詩

賦得照基燭詩刻五分成

同武陵王看妓

賦得遺所思

林下映月

詠素蝶

於座應令詠梨花

秋雨卧疾

奉和湘東王應令二首

春霄

冬曉

月半夜泊鵲尾

和詠歌人偏得日照詩

詠姬人未肯出

遙見美人採荷

詠小兒採菱

詠眼

詠日應令

望月

秋夜詠吟

賦得始歸鴈

元廣州景仲座見故姬一首

擬古聯句

附錄

本傳

劉秘書集目錄終

卷一百一十五

卷一百一十六

卷一百一十七

卷一百一十八

卷一百一十九

卷一百二十

卷一百二十一

卷一百二十二

卷一百二十三

卷一百二十四

劉秘書集卷之全

梁 彭城劉孝綽著

明 太倉張 溥閱

表

爲鄱陽嗣王初讓雍州表

臣聞大邦維屏旣慙宗子之詩。思樂泮宮。有缺
僖公之頌。特以周興九伯。錫壤參虛。漢啓二河。
分珪舊楚。身私家慶。總集微躬。雍部襟帶。跨制
數州。西拒嶢關。北跨鄧塞。雖復呼韓來朝。橐街

納質二虜尋戈四郊無警猶當王戎雅識羊祜
尚義臣退求諸已無或宴安進思盡忠幾乎私
竭

晉書羊祜傳祜鎮襄陽時常言若天下太平當
與民同樂祜嘗謂宗子之君思樂半宮祜死

矣

聖太子

聖太子

通志

啓

謝高祖啓

臣不能銜珠避顛。傾柯衛足。以茲疎悖。與物多忤。兼逢匿怨之友。遂居司隸之官。交構是非。用成萋菲。日月昭回。俯明枉直。獄書每御。輒鑒蔣濟之冤。炙髮見明。非關陳正之辯。遂漏斯密網。免彼嚴棘。得使還同士伍。比屋唐民。生死肉骨。豈侔其施。臣誠無識。孰不戴天。疎遠畝隴。絕望高闕。而降其接引。優以旨喻。於臣微物。足爲榮

隕。况剛條落葉。忽沾雲露。周行所寘。復齒盛流。
但雕朽污糞。徒成延獎。捕影繫風。終無効答。

與東宮啓

臣聞之先聖。以衆惡之必監焉。衆好之必監焉。
豈非孤特。則積毀所歸。比周則積譽斯信。知好
惡之間。必待明鑒。故晏嬰再爲阿宰。而前毀後
譽。後譽出於阿意。前毀由於直道。是以一犬所
噬。旨酒貿其甘酸。一手所搖。嘉樹變其生死。又
鄒陽有言。士無賢愚。入朝見嫉。至若臧文之下。

辰季。靳尚之放靈均。絳侯之排賈生。平津之陷
主父。自茲厥後。其徒實繁。曲筆短辭。不暇殫述。
寸管所窺。常由切齒。殿下誨道。觀書俯同。好學
前載。枉直備該。神覽臣昔。因立侍親承緒言。飄
風貝錦。譬彼讒慝。聖旨殷勤。深以爲歎。臣資愚
履直。不能杜漸防微。曾未幾何。逢訕懼難。雖吹
毛洗垢。在朝而同嗟。而嚴文峻法。肆姦其必奏。
不顧賣友。志欲要君。自非上帝運超已之光。昭
陵陽之虐。舞文虛謗。不取信於宸明。在縲嬰纏。

幸得蠲於庸闇，裁下免黜之書，仍頒朝會之旨。小人未識通方，繫馬縣車，息絕朝覲，方願滅影銷聲，遂移林谷，不悟天聽罔已，造次必彰，不以距違見疵，復使引籍雲陛，降寬和之色，垂布帛之言。形之千載，所蒙已厚，况乃恩等特召，榮同起家，望古自惟，彌覺多忝，但未渝丹石，永藏輪軌，相彼工言，搆茲媒譏，且欵冬而生，已凋柯葉，空延德澤，無謝陽春。

謝爲東宮奉經啓

皇太子四術夙知三善非學猶復旁求儒雅應
物稽疑業光夏校德茂周庠諸侯宋魯於焉觀
則叅陪盛禮莫匪國華臣雖職典經圖而同官
不一推擇而舉尚多髦俊寵光曲被獨在選中
他日朝聞猶甘夕死况茲恩重彌見生輕

謝給藥啓

一物之微遂留停育名醫上藥爰自城府雖巫
咸視診岐伯下鍼松子玉漿衛卿雲液比玅衆
珍實云多愧

謝越布啓

比納方綃，既輕且麗。珍邁龍水，鈔越鳥夷。

送瑞鼎詣相國梁公啓

生木游火之禽。夾階紀朔之華。白環銀瓮之迹。
素雉金舩之瑞。自天有祚。不爲定於郊鄩。虛其
所止。非獨在於汾陰。

求豫北伐啓

或以臣素無飛將之目。未從嫖姚之伍。言易行
難。收功理絕。然桓冲稱謝安無將略。文靖公遂

破苻堅。山濤謖。羊祜不强。建成侯。卒平孫皓。微
臣之譬。兩賢誠無等級。小虜之方。二寇勢踰枯
朽。

謝晉安餉米等啓

傳詔李孟孫宣教旨垂賜米酒瓜筍菹脯鮓茗
八種。氣苾新城。味芳雲杜。江潭抽節。邁昌荇之
珍。塲擢翹越。葺精之美。羞非純束。埜麇裒似
雪之驢。鮓異陶甌。河鯉操如瓊之粢。茗同食缺。
鮓類望甘。免千里宿春。省三月種聚。小人懷惠。

大懿難忘、

謝安成王賚祭孤石廟胙肉啓

味過淪鳳、珍越屠龍、故使屏翳收風、馮夷淨浪、
神居鵠首、獨汎安流、民幸同附、得徵邁迕、復等
受釐、預頒純嘏、恩靈所降、信次委積、報生以死、
竊聞斯義、

書

答湘東王書

伏承自辭皇邑。爰至荆臺。未勞刺舉。且擣高麗。
近雖預觀尺錦。而不睹全玉。昔臨淄詞賦。悉與
楊修。未殫寶笥。顧慙先哲。渚宮舊俗。朝衣多故。
李固之薦二邦。徐珍之奏七邑。威懷之道。兼而
有之。當欲使金石流功。恥用翰墨垂迹。雖乖知
二。偶達聖心。爰自退居素里。却掃窮閭。比楊倫
之不出。譬張摯之杜門。昔趙卿窮愁。肆言得失。

漢臣鬱志。廣敘盛衰。彼此一時。擬非其匹。竊以
文豹何辜。以文爲臯。繇此而談。又何容易。故韜
翰吮墨。多厯寒暑。旣闕子幼。南山之歌。又微敬
通渭水之賦。無以自同。獻笑少酬。褒誘且乖。
體物不擬。作於立根。事殊宿諾。宜貽愆於朱亥。
顧已反躬。載懷累息。但瞻言漢廣。邈若天涯。區
區一念。分宵九逝。殿下降情。白屋存問。相尋食
椹懷音。矧伊人矣。

答雲法師書

孝綽和南辱謨垂示勅旨所答劉太僕思効啓
義窮深遠語兼巧便伏聞希有身心踴躍昔戈
盾夾車備不虞於周后兵旗引駕防未然於漢
君斯皆執心黃屋瑞無紺馬事極寰寓之中理
隔天人之外皇上自茲善覺降迹閭浮以住地
之心行則天之化故能慈導三有仁濟萬物猶
以法藥未周寶船不倦解劒却蓋躬詣道場瑞
花承足人觀雕輦之盛金輪啓路物覩重英之
飾顯實開權事均祗驚本無四畏甯慮五怨思

効遂虜。引梁邱隨劒之說。日殫觸瑟之辭。何異
迴龍象於兔徑。注江海於牛迹。聖旨慇懃。曲根
誘喻。豈直淨一人之垢衣。將以破群生之暗室。
弟子世傳正見。幼覩真言。但惑網所縈。塵勞自
結。微因宿植。仰逢法教。親陪寶座。預餐香鉢。復
得俱聽一音。共聞八解。庶因小葉。受潤大雲。猥
蒙開示。深自慶幸。不勝歡喜。略附陳誠。劉孝綽
和南。

與弟書

方弘游典墳寤歌林澗覽興衰於千載觀榮落
於四時

劉秘書集

卷全

八

依例

本館所藏...

序

昭明太子集序

臣竊觀大易重明之象著焉。抑又聞之七鬯之義存焉。故書有孟侯之名。記表元良之德。歷選前古。以洎夏周。可得而稱。啓誦而已。雖徹聖挺賢。光乎二代。高文精義。聞爾無聞。漢之顯宗。晉之肅祖。皆自春宮。益好儒術。或專經止於區易。或持論窮於貞假。子桓雖摘藻銅省。集講肅成。事在藩儲。理非皇貳。未有正位少陽。多才多藝。

者也。粵我大梁之二十一載，盛德備乎東朝，若
乃有縱自天，惟睿作聖，顯仁立孝，行於四海，如
珪如璋，不因琢磨之義，爲臣爲子，甯待觀喻之
言。惟性道難聞，而文章可見，故俯同志學，用晦
生知，以絃誦之餘辰，總鄒魯之儒墨，徧綈緦於
七閣，彈竹素於九流，地居上嗣，實副元首，皇帝
垂拱巖廊，委成庶績，時非從守，事或監撫，雖一
日二日，攝覽萬幾，猶臨書幌而不休，對歌案而
忘怠，况復延納侍講，討論經紀，去聖滋遠，愈生

盤枝分葉散殊路僭馳靈臺辟雍之疑禮宗
祭社之繆明章申老之議通顏理王之說量覈
然否剖析同異察言抗論窮理盡微於時淹中
稷下之生金華石渠之士莫不過衢樽而挹多
少見斗極而曉西東與夫盡春卿之道贊仲尼
之宅非賈誼於蘇林問蕭何於棗據區區前史
不亦慙歟加以學貫總持辨同無矱五時密教
見猶鏡象一乘妙旨觀若掌珠及在布金之園
處如龍之衆開示有空顯揚權實是以徧動六

地普雨四花。豈直得解纓須提。舍鉢瓶沙。騰曇
言德。梵志依風而已哉。若夫天文以爛然爲美。
人文以煥乎爲貴。是以隆儒雅之大成。遊雕蟲
之小道。握牘持筆。思若有神。曾不斯須。風飛雷
起。至於宴遊西園。祖道清洛。三百載賦。該極連
篇。七言致擬。見諸文學。博奕興詠。並命從遊。書
令視草。銘非潤色。七窮煒燁之說。表極遠大之
才。皆喻不備體。詞不掩義。因宜適變。曲盡文情。
竊以屬文之體。鮮能周備。長卿徒善。旣累爲遲。

少孺雖疾。俳優而已。子淵淫靡。若女工之蠹。子雲侈靡。異詩人之則。孔璋詞賦。曹祖勸其修。今伯喈答贈。摯虞知其頗古。孟堅之頌。尚有似贊之譏。士衡之碑。猶聞類賦之貶。深乎文者。兼而善之。能使典而不桀。遠而不放。麗而不淫。約而不儉。獨擅衆美。斯文在斯。假使王朗報箋。卞蘭獻頌。猶不足以揄揚著述。稱贊才章。況在庸木。曾何彷彿。然承華肇建。濫齒時髦。居陪出從。逝將一紀。譬彼登山。徒仰峻極。同夫觀海。莫際波

瀾、但職官書記、預聞盛藻、歌詠不足、敢忘編次、
謹爲一帙十卷、第目如左、日升松茂、與天地而
偕長、壯思英詞、隨歲月而增廣、如其後錄、以俟
賢臣、

碑

司空安成王碑

昔者重華文命，並胄高陽之苗。豐邑春陵，俱纂
帝堯之緒。而虞夏革運，姚姒之姓已分。高光再
興，大漢之名無改。如我皇家，梁齊代建。異文叔
之紹開，起自王族。非伯禹之更姓。公則本枝別
榦，誕自河嶽。五百之期，實膺命世。卜商有問，是
謂色難承志。望顏在公，斯易至如文琰之對食。
餘幼權之言爵里。衛子之朗月映山。杜生之凝

脂點漆。惟公具美。厯駕前修。峨峨焉非嶽陵之
所至。浩浩焉總江漢而爲長。故能擊水三千。搏
風九萬。排天闕而俯眊。掩浮雲而上征。皇帝甄
名挺聖。河洛有徵。握衡含樞。奄一時夏。利建藩
屏。固葉深根。郇霍鄆郇。方周啓祚。封公爲安成
王。食邑二千戶。允同衛叔。賜寶器於商郊。殊異
唐侯。戲桐珪於汾水。乃拜公爲平西將軍。荊州
刺史。楚之對齊。屈完引城池之固。荆之比宋。墨
翟陳輦路之殊。品金作貢。不異淮海。珠璣犀象。

又無求于晉國，況以雲夢九百之宏侈，章華三
休之巨麗，公禦煩以寡，居高而降，執冲虛之道，
無矜滿之情，其爲政也，莊敬足以範物，慈惠足
以庇民，剛毅足以威暴，清貞足以勵俗，天監十
七年薨，春秋四十有五，凡我庶民，竊親高義，況
復祗承帝命，來仕王家，兔園晚春，叨從者之賜。
高唐暮天，奉作賦之私，常思慶雲之惠，不酬而
搖落奄至，豈謂輕塵之効莫展，而峻極先頽，思
所以立言貞石，貽厥長世，銘曰：

昔在文部，五賢二聖，漢藩魏屏，微風不競，於赫
我梁，德符姬姓，康王康叔，異時同盛，爰自妙年，
令問不已，一孝一悌，實光行始，義府文塲，詞人
髦士，波瀾莫際，牆仞難窺，用茲先覺，導此後知，
德大心小，居高志卑，再握不倦，三吐忘疲，飛龍
在天，肇基宛瀆，地猶小肺，民同世復，皇情睠正，
屬難推轂，允矣宗英，移藩改牧，誰謂路永，江漢
已浮，彼蒼不惠，遽反成周，川迴沂軸，塗引歸旒，

栖隱寺碑

開方便門，示真實相，置甘露室，遵甘露津，苦語
輒言，隨方弘訓，俯心降迹，逐物重輕，中枝小葉，
各隨業根，愍其四流五結，有來而不散，八慢九
邪，一淪而莫曉，如彼醫王，等之藥樹，去聖茲遠，
思聖茲深，誠敬所先，是歸龕廟，自鈔法東，注寶
化西漸，公卿貴仕，賢哲偉人，莫不嚴事招提，師
仰慧覺，欲使法燈永傳，勝因長久，銘曰
給孤焚蕩，善勝崩淪，堂堂宗匠，克紹慧因，地雖
舊域，其宇維新，召棠且思，羊碑猶泣，況我仁祠

義踰生立遺愛伊何形于南邑亦有庶民經始
攸惡珠殿連雲金層輝景衢交達巷門臨樹屏
五居推妙三空愧靜銘施柱側記法窟前孰云
千載餘迹方傳敢宣重說敬勒雕鐫芬域未滅
斯文在旃

樂府

釣竿篇

釣舟畫彩鷁、漁子服冰紈、金轄茱萸網、銀鈎翡翠竿、
歛橈隨水脈、急漿渡江湍、湍長自不辭、前浦有佳期、
船交橈影合、浦深魚出遲、荷根時觸餌、菱芽乍冒絲、
蓮度江南手、衣渝京兆眉、垂竿自有樂、誰能爲太師、

夜聽妓賦得烏夜啼

鷗絃且輟弄、鶴操暫停徽、別有啼烏曲、東西相

背飛倡人怨獨守蕩子殊未歸忽聞生離唱長
夜泣羅衣

銅雀妓

雀臺三五日絃吹似佳期況復西陵晚松風吹
總帷危絃斷復續妾心傷此時誰言留客袂遂
翻一作掩望陵悲

班婕妤怨

應門寂已閉非復後庭時況在青春日萋萋綠
草滋妾身似秋扇君恩絕履綦詎憶遊輕輦從

今一作徒令賤妾辭

三婦豔

大婦縫羅裙、中婦料繡文、唯餘最小婦、窈窕舞
昭君。丈人慎勿去、聽我駐浮雲

櫂歌行

日○暮○楚○江○上○江○深○風○復○生○所○思○竟○何○在○相○望○徒
盈○盈○舟○子○行○催○棹○無○所○喝○流○聲○

疏遠世平計爾轉無阻如高覽

日氣裝正上時漸顯黃土西望夜學水靜無聲

聯燈詩

柳葉夫人應遠走願為傳詩聖

大靜無歸情中靜林靜文甲分正小靜觀此詩

三詠詩

今觀此詩

詩

詠風 四言

嫋嫋秋聲、習習春吹、鳴茲玉樹、渙此銅池、羅幃
自舉、襟袖乃披、慙非楚侍、濫賦雄雌、

侍宴

外編作任昉者
非以下五言

清宴延多士、鴻漸濫微薄、臨炎出蕙樓、望辰躋
茵閣、上征切雲漢、俛眺周京洛、城寺鬱參差、街
衢紛漠漠、禁林寒氣晚、方秋未搖落、皇心重發
志、賦詩追並作、自昔承天寵、於茲被人爵、選言

非綺綃、可以儷金艘、

又

茲堂乃峭嶠、伏檻臨曲池、樹中望流水、竹裏見
攢枝、欄高景難蔽、岫隱雲易垂、邂逅逢休幸、朱
蹕曳青規、邱山不可答、葵藿空自知、

三日侍華光殿曲水宴

薰被三陽暮、濯禊元巳初、皇心睠樂飲、帳殿臨
春渠、豫遊高夏諺、凱樂盛周居、復以焚林日、丰
茸花樹舒、羽觴環堦轉、清瀾傍席疏、妍歌已嘹

亮妙舞復紉，飾九成變。絲竹百戲，赴龍魚。

三日侍安成王曲水宴

匯澤良孔殷，分區屏中縣。躡跨兼流采，襟喉邇
封甸。吾王奄鄴畢，析珪承羽傳。不資魯俗移，何
待齊風變。東山富遊士，北土無遺彥。一言白璧
輕，片善黃金賤。餘辰屬上元，一作巳清被追前諺。
持此陽瀨遊，復展城隅宴。芳洲亘千里，遠近風
光扇。方歡厚德重，誰言薄遊倦。

春日從駕新亭應制

旭、日、輿、輪、動、言、追、河、曲、遊、紆、餘、出、紫、陌、迤、邐、度、
青、樓、前、驅、掩、蘭、徑、後、乘、厯、芳、洲、春、色、江、中、滿、日、
華、巖、上、留、江、風、傳、葆、吹、巖、華、映、采、旂、臨、渦、起、睿、
作、駟、馬、暫、停、輶、侍、從、榮、前、阮、雍、容、慙、昔、劉、空、然、
等、彈、翰、非、徒、嗟、未、遒、

侍宴集賢堂應令

北閣時旣啓，西園又已闢。宮屬引鴻鷺，朝行命
金碧。伊臣獨何取，隆恩徒自昔。布武登玉墀，委
坐陪瑤席。綢繆參宴笑，淹留奉觴醕。壺人告漏

霞起將夕反景入池林餘光映泉石

侍宴餞庾於陵應詔

皇心眷將遠。帳餞靈芝側。是日青春獻。林塘多
秀色。芳卉疑綸組。嘉樹似雕飾。遊絲綴鶯領。光
風送綺翼。下輦朝旣盈。留宴景將晏。高辨競談
端。奇文爭筆力。伊臣獨無伎。何用奉吹息。

侍宴餞張惠紹應詔

滄池誠自廣。蓬山一何峻。麗景花上鮮。油雲葉
裏潤。風度餘芳滿。鳥集新條振。餞言班俊造。光

私獎輜幘，徒然謬反隅，何以窺重仞。

餞張惠紹應令

鮮雲積上月，凍雨晦初陽。迴風飄淑氣，落景煥
新光。竹萌始防露，桂挺已含芳。瑤階變杜若，玉
沼發攢蔣。聖襟惜岐路，曲宴闢蘭堂。

侍宴離亭應令

輶轅東北望，江漢西南永。羽旗映日移，饒吹臨
風警。令王愍追送，纚舟宴俄頃。掩袂眺征雲，御
杯惜餘景。首燕徒有心，局步何由騁。

奉和昭明太子鍾山解講

御鶴翔伊水，策馬出王田。我后遊祇鷺，比事實
光前。翠蓋承朝景，朱旗曳曉烟。樓帳縈巖谷，緹
組曜林阡。況在登臨地，復及秋風年。喬柯變夏
葉，幽澗潔涼泉。停鑾對寶座，辯論悅人天。淹塵
資海滴，昭暗仰燈然。法朋一已散，笳劍儼將旋。
邂逅逢優渥，託乘侶才賢。摛辭雖並命，遺恨獨
終篇。

和湘東王理訟

馮翊亂京兆，廣漢欲兼治。豈若兼邦牧，朱輪褭
素帷。淮海封畿地，雜俗良在茲。禁姦擿銖兩，馭
黠震豺狸。

陪徐僕射晚宴

夫君追宴喜，十日遞來過。築室華池上，開軒臨
芰荷。方塘交密篠，對雷接繁柯。景移林改色，風
去水餘波。洛城雖半掩，愛客待驪歌。

上虞鄉亭觀濤津渚學潘安仁河陽縣詩

昔余筮賁始，衣冠仕洛陽。無貴徒有任，一命忝

爲郎再踐神仙側。三八崇賢旁東朝。禮髦俊虛
薄。厠才良。遊談侍名理。擗管創文章。引籍陪下
膳。橫經叅上庠。誰謂服事淺。契濶變炎涼。一朝
謬爲吏。結綬去承光。烹鮮徒可習。治民終未長。
化雞仰季智。馴雉推仲康。此城鄰夏穴。櫛蠹茂
筠篁。孝碑黃絹語。神濤白鷺翔。遨遊佳可望。釋
事上川梁。秋江凍雨絕。反景照移塘。織羅殊未
動。駭水忽如湯。乍出連山合。時如高蓋張。漂沙
黃沫聚。磐石素波揚。榜人不敢唱。舟子豈能航。

離家復臨水、眷然思故鄉、中來不可絕、奕奕苦人腸、沂洞若無阻、謝病返清漳、

太子泚落日望水

川平落日迴、落照滿川漲、復此一作在淪波地、派

別引沮漳、耿耿流長脉、熠熠動微光、寒鳥逐查

漾、饑鵜拂浪翔、臨泛一作流自多美、況乃一作此還

故鄉、榜人夜理檝、櫂女闇成妝、欲待春江曙、爭

塗向洛陽、

登陽雲樓

吾登陽臺上。非夢高唐客。回首望長安。千里懷
三益。顧帷慙入楚。降私等申白。西沮水潦收。昭
一作邱霜露積。龍門不可見。空慕凌寒柏。
瑕

夕逗繁昌浦

日入江風靜。安波似未流。岸迴知舳轉。解纜覺
船浮。暮烟生遠渚。夕鳥赴前洲。隔山聞戍鼓。傍
浦喧棹謳。疑是辰陽宿。於此逗孤舟。

櫟口守風

春心已應豫。歸路復當歡。如何此日風。霾曠駭

波瀾、倏見搖心慘、俄瞻鄉路難、賴有同舟客、移
宴息層巒、華茵藉初卉、芳樽散緒寒、謔浪雖云
善、江流苦未安、何由入故園、詎卽紉新蘭、寄謝
浮邱子、暫欲假飛鸞、

還渡浙江

季秋弦望後、輕寒朝夕殊、商人泣紈扇、客子夢
羅襦、憂來自難遣、况復阻川隅、日暮愁陰合、繞
樹噪寒鳥、濛濛江烟上、蒼茫沙嶼蕪、解纜辭東
越、接軸驚西徂、懸帆似馳驥、飛棹若驚鳬、言歸

遊俠窟方從冠蓋擢

江津寄劉之遴

與子如黃鵠。將別復徘徊。經過一柱觀。出入三
休臺。共攜雲氣藻。同舉霞紋杯。佳入每曉遊。禁
門恒晚開。欲寄一言別。高駕何由來。

發建興渚示到陸二黃門

外編作吳均
題云酬別非

扁舟去平樂。還顧極川梁。猶聞棗下吹。尚識杏
間堂。洛橋分曲渚。官寺隱回塘。客行裁跬步。卽
事已多傷。况復千餘里。悲心未遽央。

酬陸長史倕

王粲始一別，猶且歎風雲。況余屢之遠，與子亟

離群。如何持此念，復爲今日分。分悲宛一作如

昨，弦望殊揮霍。行舟雖不見，行程猶可度。度君

路應遠，期寄新詩返。相望且相思，勞朝復勞晚。

薄暮闌人進，果得承芳信。殷勤覽妙書，留連披

雅韻。列洲一作州財賦總，慈山行旅鎮。已切臨睨

情遽動，思歸引歸歟。不可卽，前途方未極。覽諷

欲，援誚研尋還慨息。來喻勗離金，比質非所任。

虛薄無時用徘徊守故林屏居青門外結宇澤
城陰竹庭已南映池牖復東臨喬柯貫簷上垂
條拂戶陰條開風暫入葉合影還沈帷屏溽早
露階霑擾昏禽衡門謝車馬賓席簡衣籍雖愧
陽陵一作春曲甯無流水琴蕭條聊屬和寂寞少
知音平生竟何託懷抱共君深一朝四美廢方
見百憂侵曰余濫官守因之泝廬久一作九水接
淺原陰山帶荆門右從容少職事疲病疎僚友
命駕獨尋幽淹留宿廬阜廬阜擅高名岌岌凌

太清舒雲類紫府，標霞同赤城北。上輪難進東，
封馬易驚末。若茲山險車騎息，逢迎山橫路似
絕。徑側樹如傾，蒙籠乍一啟。礫碗無暫平，倚巖
忽迴望。援蘿遂上征，乍觀秦帝石，復憇周王城。
交峰隱玉雷，對澗踞金檻。風傳鳳臺瑄，雲渡洛
賓笙。紫書時不至，丹爐且未成。無因追羽翮，及
爾宴蓬瀛。蓬瀛不可託，悵然反城郭。時過馬鳴
院，偶憇鹿園閣。既異人世勞，聊比化城樂。影塔
圖花樹，經臺總香藥。月殿曜朱旛，風輪和寶鐸。

園桓

桓

卽重嶺

階基

仍巨壑

朝猿

溪

響

夢

夢

棟夜

水聲

帷薄

餘景

驚登

臨方

宵盡

談謔

談謔

談謔

有名

僧慧

義似

傳燈

遠師

教逾

闡生

公道

復弘

復弘

小乘

非汲

引法

善招

報能

積逃

頓已

悟爲

懽得

懽得

未曾

爲懽

誠已

往坐

臥猶

懷想

况復

心所

積

一作

親

茲地

多諧

賞惜

哉無

輕軸

更泛

輪湖

上可

思

不可

見離

念空

盈蕩

賈生

傳南

國平

子相

東阿

東阿

優游

匡贊

罷縱

橫辭

賦多

方才

幸同

貫無

令絕

令絕

詠歌

幽谷

雖云

阻煩

君計

吏過

吏過

吏過

吏過

吏過

劉

泌

書

集

卷

全

詩

詩

詩

詩

答何記室

游子倦飄蓬，瞻途杳未窮。晨征凌迸水，暮宿犯
頽風。出洲分去燕，向浦逐歸鴻。蘭芽隱陳葉，荻
苗抽故叢。忽憶園間柳，猶傷江際楓。吾生棄武
騎，高視獨辭一作餘雄。旣殫孝王產，兼傾卓氏僮。
罷籍睢陽囿，陪謁建章宮。紛余似鑿枘，方圓殊
未工。黑貂久自弊，黃金屢已空。去辭追楚穆，還
耕耦漢馮。巧拙良爲異，出處嗟莫同。若厭蘭臺
右，見訪灞陵東。

答張左西

相○思○如○三○月○相○望○非○雨○宮○持○此○連○枝○樹○暫○作○背○
飛○鴻○若○人○惠○思○我○摘○藻○蔚○雕○蟲○仙○掌○方○晞○露○靈○
鳥○正○轉○風○方○假○排○虛○翮○相○與○北○山○叢○

歸沐呈任中丞昉

南史云孝綽天監初爲著作
郎爲歸沐詩以贈任昉卽此

步○出○金○華○省○還○望○承○明○廬○壯○哉○宛○洛○地○佳○麗○實○
皇○居○虹○蜺○拖○飛○閣○蘭○芷○覆○清○渠○圓○淵○倒○荷○芰○方○
鏡○寫○簪○裾○白○雲○夏○峰○盡○青○槐○秋○葉○疎○自○我○從○人○

爵、蟾兔屢盈虛。殺青徒已汗。司舉未云書。文昌
愧通籍。臨邛幸第如。夫君多敬愛。蟠木濫吹噓。
時時釋簿領。騶駕入吾廬。自唾誠礪硃。無以儼
璠璣。但願長閒暇。酌醴薦焚魚。

憶虞弟

下邑非上郡。徒然想二馮。余慙野王德。爾勗聖
鄉風。望望餘塗盡。悽悽良宴終。朝蔬一不共。夜
被何由同。

其上戲蕩子婦

彖中始奕奕。淇上未湯湯。美人要雜佩。上客誘
明璫。日暗人聲靜。微步出蘭房。露葵不待勸。鳴
琴無暇張。翠釵挂已落。羅衣拂更香。如何嫁蕩
子。春夜守空牀。不見青絲騎。徒勞紅粉妝。

愛姬贈主人

臥久疑妝脫。鏡中私自看。薄黛銷將盡。凝朱半
有殘。垂釵繞落鬢。微汗染輕紈。同羞不相難。對
笑更成歡。妾心君自解。挂玉且留冠。

爲人贈美人

巫山薦枕日，洛浦獻珠時。一遇便如此，甯關先
有期。幸非使君問，莫作羅敷辭。夜長眠復坐，誰
知閨歛眉。欲寄同花燭，爲照遙相思。

遙見鄰舟主人投一物衆姬爭之有客請

余爲詠

河流旣浼浼，河身復關關。落花浮浦出，飛雉度
洲還。此日倡家女，競嬌桃李顏。良人惜美珥，欲
以代芳菅。新縑疑故素，盛趙茂衰班。曳綃爭掩
縠，搖佩奮一作鳴環。客心空振蕩，喬枝不可攀。

古意

燕趙多佳麗，白日照紅妝。
蕩子十年別，羅衣雙帶長。
春樓怨難守，玉階空自傷。
復一作對此歸飛燕，
銜泥繞曲房。
差池入綺幕，上下傍雕梁。
故居猶可念，故人安可忘。
相思昏望絕，宿昔夢容光。
魂交忽在御，轉側定他鄉。
徒然顧枕席，誰與同衣裳。
空使蘭膏夜，炯炯對繁霜。

報王永興觀田

重門寂已暮，案牘罷囂塵。
輕涼生筍席，微風起

扇輪浮瓜聊可貴、溢酒亦成珍、復有寒泉井、兼以瑩心神、睠彼忘言客、閒居伊洛濱、顧已慙困地、徒知薑桂辛、但願崇明德、無謂德無鄰、

詠有人乞牛舌乳不付因餉檳榔詩

陳乳何能貴、爛舌不成珍、空持渝皓齒、非但汗丹唇、別有無枝寔、曾要湛上人、羞比朱櫻熟、詎易紫梨津、莫言蒂中久、當看心裏新、微芳雖不足、含咀願相親、

夜不得眠

夜長愁反覆，懷抱不能裁。披衣坐惆悵，當戶立徘徊。
徘徊風音觸，樹起月色度。雲來夏葉依，窓落秋
花當戶開。光陰已如此，復持憂自催。

望月有所思

秋月始纖纖，微光垂步簷。臃腫入牀簾，髣髴鑒
窓簾。簾螢隱光息，簾蟲映光纖。玉羊東北上，金
虎西南舛。長門隔清夜，高堂夢容色。如何當此
時，懷情滿胸臆。

校書秘書省對雪詠懷

桂華殊皎皎，柳絮亦霏霏。詎比咸池曲，飄颻千里飛。
恥均班女扇，羞儷曹人衣。浮光亂粉壁，積照朗彤闥。
鵲鵲搖羽至，鷦鷯拂翅歸。相彼猶自得，嗟余獨有違。
終朝守玉署，方夜勞石扉。未能奏絃綺，何由辨國圍。
坐銷風露質，遊聯珠璧暉。偶懷笨車是，良知高蓋非。
旣言謝端木，無爲陳巧機。

詠百舌

山人惜春暮。旭旦坐花林。復值懷春鳥。枝間弄。

好音遷喬聲迴出，赴谷響幽深。下聽長而短，時聞絕復尋。孤鳴若無對，百轉似群吟。昔聞屢歡昔，今聽忽悲今。聽聞非殊異，遲暮獨傷心。

侍宴擬劉公幹應令

副君西園宴，陳王謁帝歸。列位華池側，文雅縱橫飛。小臣輕蟬翼，黽勉謬相追。置酒陪朝日，淹留望夕霏。

賦詠百論捨罪福詩

尋因途乃異，及捨趣猶并。苦極降歸樂，樂極苦

還生豈非輪轉愛，皆緣封著情。一知心相濁，樂染法流清。

賦得照基燭詩刻五分成

南皮絃吹罷，終奕且留賓。日下房櫳間，玉臺作閉華

燭命佳人側，光全照局迴。花半隱身不，辭纖手倦，羞令夜向晨。

同武陵王看妓

燕姬奏妙舞，鄭女發清歌。迴羞出曼臉，送態表
頰蛾甯殊遇，行雨詎減見凌波。想君愁日落，應

羨魯陽戈

賦得遺所思

遺簪雕玳瑁、贈綺織鴛鴦、未若華滋樹、交枝蕩
子房、別前秋已落、別後春更芳、所思不可寄、唯
憐盈袖香、

林下映月

明明三五月、垂影當高樹、攢柯半玉蟾、裊葉彰
金兔、茲林有夜坐、嘯歌無與晤、側光聊可書、含
毫且成賦、

詠素蝶

隨蜂遶綠蕙、避雀隱青薇、映日忽爭起、因風乍
共歸、出沒花中見、參差葉際飛、芳華幸勿謝、嘉
樹欲相依、

於座應令詠梨花

玉壘稱津潤、金谷詠芳菲、詎匹龍樓下、素蕊映
華、一作朱、扉、雜雨疑霰落、因風似蝶飛、豈不憐、飄
墜、願入九重闈、

秋雨臥疾

賈君徭役少，潘生民務稀。及此同多暇，高臥掩
重闌。寂寂桑榆晚，滂沱暄不晞。電隙時光帳，風
簾乍扣扉。

奉和湘東王應令二首

春宵

春宵猶自長，春心非一傷。月帶圓樓影，風飄花
樹香。誰能對雙燕，瞑瞑守空牀。

冬曉

冬曉風正寒，偏念客衣單。臨妝罷鉛黛，含淚剪

綾紈寄語龍城下，詎知書信難。

月半夜泊鵲尾

客行三五夜，息棹隱中洲。
月光隨浪動，山影逐波流。

和詠歌人偏得日照詩

獨明花裏翠，偏光粉上津。
屢將歌罷扇，廻拂影中塵。

詠姬人未肯出

唯開見釵影，簾動聞釧聲。
徘徊定不出，常羞華

遙見美人採荷

菱莖時繞釧，棹水或沾妝。
不辭紅袖濕，唯憐綠葉香。

詠小兒採菱

採菱非採菰。日暮且盈舠。
踟躕未敢進。畏欲比殘桃。

詠眼

含嬌睨已合。離怨動方開。
欲知密中意。浮光逐

笑廻

詠日應令

弭節馳暘谷，照檻出扶桑。
園葵亦可幸，傾葉奉離光。

望月

輪光缺不半，扇影出將圓。
流光照漭漭，波動映淪漣。

秋夜詠吟

上宮秋露結，上客夜琴鳴。
幽蘭暫罷曲，積雪更

傳聲

賦得始歸鴈

洞庭春水綠，衡陽旅鴈歸。
差池高復下，欲向龍門飛。

元廣州景仲座見故姬一首

雜言

留故夫，不踟躕。別待春山上，相看採薜蘿。

擬古聯句

少知雅琴曲，好聽雅琴聲。
雅琴不可聽，一聽一沾纓。

銓秘書集

卷全

四

本傳

劉孝綽字孝綽，彭城人，本名冉祖勔，宋司空忠昭公父。繪，齊大司馬霸府從事中郎。孝綽幼聰敏，七歲能屬文。舅齊中書郎王融深賞異之，常與同載，適親友，號曰神童。融每言曰：「天下文章若無我，當歸阿士。」阿士，孝綽小字也。繪齊世掌詔誥，孝綽年未志學，繪常使代草之。父黨沈約任昉、范雲等聞其名，並命駕先造焉。昉尤相賞好。范雲年長，繪十餘歲，其子季才與孝綽年並。

十四五及雲遇孝綽。便申伯季。乃命季才拜之。
天監初起家著作佐郎爲歸沐詩以贈任昉。昉
報章曰。子其崇鋒穎。春耕勵秋穫。其爲名流所
重如此。遷太子舍人。俄以本官兼尙書水部郎。
奉啟陳謝。手敕答曰。美錦未可便製。簿領亦宜
稍習。頃之卽真。高祖雅好蟲篆。時因宴幸。命沈
約任昉等言志賦詩。孝綽亦見引。嘗侍宴於坐。
爲詩七首。高祖覽其文。篇篇嗟賞。由是朝野改
觀焉。尋有敕知青北徐南徐三州事。出爲平南

安成王記室隨府之鎮尋補太子洗馬遷尚書
全部侍郎復爲太子洗馬掌東宮管記出爲上
虞令還除祕書丞高祖謂舍人周捨曰第一官
當用第一人故以孝綽居此職公事免尋復除
祕書丞出爲鎮南安成王諮議入以事免起爲
安西記室累遷安西驃騎諮議參軍敕權知司
徒右長史事遷太府卿太子僕復掌東宮管記
時昭明太子好士愛文孝綽與陳郡殷芸吳郡
陸倕琅邪王筠彭城劉洽等同見賓禮太子起

樂賢堂。乃使畫工先圖孝綽焉。太子文章繁富。群才咸欲撰錄。太子獨使孝綽集而序之。遷員外散騎常侍。兼廷尉卿。頃之卽真。初孝綽與到洽友善。同遊東宮。孝綽自以才優於洽。每於宴坐。嗤鄙其文。洽銜之。及孝綽爲廷尉正。攜妾入官府。其母猶停私宅。洽尋爲御史中丞。遣令史案其事。遂劾奏之。云攜少姝於華省。棄老母於下宅。高祖爲隱其惡。改姝爲妹。坐免官。孝綽諸弟時隨藩。皆在荆雍。乃與書論其洽不平者十

事其辭皆鄙。到氏又寫別本封呈東宮。昭明太子命焚之。不開視也。時世祖出爲荊州。至鎮與孝綽書。孝綽免職後。高祖數使僕射徐勉宣旨慰撫之。每朝宴常引與焉。及高祖爲籍田詩。又使勉先示孝綽。時奉詔作者數十人。高祖以孝綽尤工。卽日有敕起爲西中郎。湘東王諮議後爲太子僕。母憂去職。服闋除安西湘東王諮議參軍。遷黃門侍郎。尚書吏部郎。坐受人絹一束爲餉者所訟。左遷信威臨賀王長史。頃之遷秘

書監大同五年卒官時年五十九孝綽少有盛名而伏氣負才多所陵忽有不合意極言詆訾領軍臧盾太府卿沈僧杲等並被時遇孝綽尤輕之每於朝集會同處公卿間無所與語反呼騶卒訪道途閒事由此多忤於物孝綽辭藻爲後進所宗世重其文每作一篇朝成暮遍好事者咸諷誦傳寫流聞絕域文集數十萬言行於世孝綽兄弟及群從諸子姪當時有七十人並能屬文近古未之有也其三妹適琅邪王叔英

吳郡張嶠東海徐悱並有才學悱妻文允清拔
悱僕射徐勉子爲晉安郡卒喪還京師妻爲祭
文辭甚悽愴。勉本欲爲哀文旣覩此文於是閣
筆。孝綽子諒字求信少好學有文才允博悉晉
代故事。時人號曰皮裏晉書。厯官著作佐郎太
子舍人王府主簿功曹史宣城王記室參軍

望
秘
書
集

卷全

三



